

Ferite

Quandu u celu si sprufonda
Un lamentu ribomba
Sbrangulendu lu mio core
Ramintend'u mio dolore.

Caru paese i to figlioli
Pienghjenu tutti sti doli
E in pettu ogni ferita
S'hè stampata per a vita.

Tanti fratelli sò partuti
Tanti fratelli oghje sò muti
Cerchendu a verità
Cerchendu a libertà.

Ancu u ventu scherzosu
Ùn trova più riposu
Pare spuglià la furesta
Dicendu mai ùn ti scurdà.

In Serriera una culomba
Hà fiurit'una tomba
Oghje sò mille culombe
Chì fiuriscenu e tombe
È annacquanu ogni fiore
Incù lacrime d'amore.

In ogni rughjone
Sia piaghja o macchjone
In dolu hè la bandera
E una mamma s'addispera.

Fratelli site partuti
Fratelli oghje site muti
È di l'eterna storia
Ne serete la mimoria.